



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

III. An co[m]mina Deo & creaturis nomina de vtrisq[ue] vniuoce, an solum  
æquiuoce vel analogice prædicentur.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

*est, cuius est illa Dominus; quamvis antea hac de ratione fuerit dubius, ut lib. 12. de civit. Dei c. 15. planè confessus fuerit, se nescire illius solutionem.*

Ratio primæ partis est; quia cætera prædicata, quæ non significant aliquam relationem Dei ad creaturas, aut sunt negativa; quæ cum vel remoueat aliquam imperfectionem, aut cerre actualēm processionem creaturarum à Deo, non possunt ab æterno Deo conuenire: aut sunt affirmatiua absoluta, quæ cum absolutam aliquam in Deo perfectionem significant, non possunt non etiam ab æterno Deo competere; cū Deus sit Ens vndiquaq; necessarium & immutabile: aut dicunt habitudinem ad creaturas solum vt possibiles; & cum ad has itidem Deus semper eodem modo sese habeat, tam secundum intellectum, quam voluntatem, aut etiam potentiam operativam; sicut & hæ vicissim ad illum; nec ista quidem possunt Deo ex tempore conuehiri. Restat ergo, vt sola nomina, quæ dicunt relationem ad creaturas aliquando existentes, Deo ex tempore conueniant; vt rectè etiam notauit Gregorius de Valentia hic quæst. 13. p. 4.

Ratio secundæ partis, quod hæc tamen non omnia ita Deo conueniant, &c. est, quia nomina relativa, tunc verè conuenient alicui rei, quando adest fundatum proprium eiusmodi relationum: at vero fundatum relatiōrum nominū, quæ significant relationem præcisè consequentem actionem Dei immanētem, conuenit Deo ab æterno; cum fundatum hoc sit ipsa actio immanens Dei, quæ utique ab æterno est in Deo; aliorum verò fundatum est non sola actio immanens Dei, quanquam hæc etiam ijs nominibus significatur, vt superius ex S. Thoma dictum, sed etiam actio transiens; imò ipsa etiam relatio realis creaturæ ad Deum; quandoquidem Deus non referatur ad creaturas reather, sed solum relationerationis, licet creatura referantur ad Deum realiter, adeoque ipsa inter se inuicem relatione non mutua: cuius generis relativa, ideo ad aliud referri dicuntur; quia aliud realiter refertur ad ipsa, iuxta Aristotelem 5. Metaph. cap. 15. vt rectè etiam notauit S. Thomas cit. art. 7. & 2. cont. gent. cap. 12.

Cuius quidem hæc doctrina, relationes Dei ad creaturas non esse reales, sed solum rationis, communiter est recepta ab omnibus fere Theologis speciatim à S. Bonaventura in 1. d. 30. q. 3. Richardo q. 4. Scoto ad q. 2. Capreolo q. 1 a. 1. Henrico quodlib. 9. q. 1. Ferrariensi loc. cit. Caetano & Calijs Thomistis hic à 7. & rectè defenditur à Gregorio de Valentia q. 14. p. 4. Vasquio hic à 7. & disp. 104. c. vlt. eti in modo loquendi different Ockam & Gabriel in 1. d. 30. q. 5. Durandus q. 3. Marsilius in 1. d. 32. a. 1. & Ariminensis in 1. d. 28. quæst. 3. a. 1. qui has relationes reales vocant, non rationis; non quod sint aliquid reale Deo adhærens, sed quia seclusa omni mentis conceptione, Deus realiter creat, & est illud, quod dicitur Creans, aut Creator; quod tamen non sufficit; sed requiritur, vt ratione talis actionis realiter referatur ad creaturas; quod Deo non conuenit: quia alias Deus aliquo modo penderet à creatura, sicut relatio pendet à termino. Quare multo minus audiendi sunt quidam recentiores, in quibus etiam est Albertinus, relatus dub. 8. resp. ad 3.

qui concedunt, eiusmodi relationes in Deo esse reales, etiam hoc sensu, quod Deus realiter referatur ad creaturas; ipsæque sint realiter & intrinsece in Deo: quod tamen Vásquez hic num. 37. merito pro absurdio habet, & pro re hactenus inaudita; saltē loquendo de relationibus ad creaturas, quæ vel ex tempore, vel ab æterno liberè Deo conueniunt; quicquid sit de ijs, quæ Deo necessario conueniunt ab æterno.

Objeicitur. Si relatio dominij ad creaturas non est in Deo, secundum rem, sed solum secundum rationem, sequitur, Deum non esse realiter Dominum aut Creatorem; quod tamen est falsum.

Respondent bene S. Thomas cit. art. 7. ad 5. negando sequelam: quia satis est vt fundamentum eiusmodi relationum, & ratio ipsa etiam fundandi sint realia, realiterque Deo competant, sive intrinsecæ, vt est potentia Dei actiua ad extra, vna cum actione Dei immanente, à qua procedit actio transiens ad creaturas; sive per denominationem extrinsecam, vt est actio transiens creationis, simul cum relatione reali subiectiōis & dependentiæ creaturarum ad Deum. Quæ etiam causa est, cur quædam eiusmodi nomina dicantur Deo conuenire ab æterno; tametsi connotent relationem ad creaturas, quæ ab æterno non existit; cum nec Deus eiusmodi entia rationis formet, nec ulla intellectus creatus fuerit ab æterno, qui formaret: satis enim est, quod fundamentum eiusmodi relationum, ea quidem ratione, qua fundamentum est, fuerit ab æterno. Si quidem fundamentum relationis præscientiæ diuinae v. g. non est creatura ipsa, vt actualiter existens ab æterno; sed vt aliquando existentiam habitura in tempore; quod de creatura ab æterno verificatur.

Ex quibus colligitur creationem absolute & simpliciter loquendo non esse ab æterno in Deo, vt rectè etiam Aureolus & Ariminensis apud Capreolum in 2. d. 1. q. 1. & sumitum ex S. Thoma hic loc. cit. & 2. cont. gent. cap. 35. & de potent. q. 3. a. 17. ad 2. 6. & 30. Nec dissentit Bahnes 1. p. q. 45. a. 3. quicquid Albertus Magnus in cap. 4. Dionysij de cœl. hinc dixerit, Deum quidem ab æterno creare res, sed res non esse ab æterno creatas: quæ inter se non recte cohaerent. Plura de hac re disp. 6.

### D V B I V M III.

*An nomina communia Deo & creaturis de utrisq; uniuocè, an solum æquiuocè, vel analogiè prædicentur.*

S. Thomas i. p. 13. a. 5. & 6.

D E hac re optimè docet S. Thomas cit. q. 13. a. 5. cuius doctrina his assertiōib⁹ cōprehenditur.

Assertio I. Nomina communia Deo, & creaturis non prædicantur de utrisque mere æquiuocè. Est communis doctrina, & nunc extra contraversiam: quicquid olim hic quidam à S. Thoma commemorati in contrarium dixerint. Probatur ratione S. Thomæ. Quia alias ob vitium æquiuocationis, nihil ex

creatu-

creaturis de Deo posset cognosci vel demonstrari, quod est contra Apostolum Rom. 1. *Inuisibilia Dei per ea qua facta sunt intellecta conficiuntur*. & contra Aristotelem I. 8. Phys. & 12. Metaph. Vbi multa de Deo ex creaturis demonstrat. Id vero quod in hac ratione assumitur, limitant Caietanus cit. art. 5. & Gregorius de Valentia q. 13. n. 3. ut intelligatur futurum ut nihil possit de Deo demonstrari ex creaturis, sub eodem nomine; quia tunc in majori & minori propositione varietur medius terminus, ut videre est in hoc syllogismo. Omne ens est bonum: Deus est ens: ergo Deus est bonus, &c. Tametsi nihilominus, inquit, alia quædam, ut Deum esse incorporeum, esse primam causam, esse Creatorem, &c. ex creaturis possent demonstrari, prout suis propriis nominibus appellantur, eo ipso quod non sunt entia ex se.

Sed non video, cur opus sit limitatione: siquidem si nullum nomen de Deo & creaturis praedicaretur nisi mere æquiuoce, tunc Deus & creatura in nulla plane communis ratione per nullum nomen significata conuenienter: si enim talis quædam esset communis ratio, ea utique aliquo nomine utrisque communi significaretur, quod proinde utrisque non pure æquiuoce conueniret. At vero si Deus & creatura in nulla plane ratione per nomen significata conuenienter, nihil plane de Deo cognoscere vel demonstrare possemus: neque hoc ipsum quidem, quod Deus non est creature, sed rationis omnino diversa à creature: quandoquidem ipsius conceptus negationis, aut rationis ex creaturis desumptus Deo non nisi æquiuoce conueniret. Preterquam quod eorum demonstratio de Deo & creaturis, praesertim oltensia, mediæ vel immediate resolutior in medium terminum aliquo modo communem Deo & creaturis, ut inducitio ne probari potest. Nam in hoc ipso syllogismo: Nullum ens ex se est finitus: Deus est ens ex se: Ergo non est finitus. Ratio entis, ut & ratio finiti, quartum illa tribuitur Deo in medio termino, hæc remouetur in majori extremitate, communis est Deo & creaturis.

Affirmatio II. Eadem nomina (positiva) non praedicantur de Deo & creaturis vniuoce. Ita cum S. Thoma cit. art. 5. habet communis sententia Doctorum contra Scótum in 1. dist. 3. quæst. 1. & dist. 8. quæst. 2. qui docet, ea nomina de utriusque praedicari vniuoce. Probatur a S. Thoma tribus rationibus. Prima. Quicquid praedicatur de aliis secundum idem nomen, & non secundum eandem rationem, id de eis praedicatur aliquo modo æquiuoce, non vniuoce: sed nullum nomen conuenit Deo secundum illam rationem, secundum quam dicitur de creatura. Nam sapientia in creaturis est qualitas, non autem in Deo: genus autem variatum mutat rationem, cum sit pars definitionis: & eadem ratio est in alijs. Secunda ratio: Deus plus distat à creaturis, quam quæcumque creatura ab inuicem; hæc enim inter se distantia finitè solùm, ille ab his infinite: sed ob distantiam quarundam creaturarum fit, ut nihil vniuoce de eis praedicari possit; ut patet in substantia & accidente; & alijs quæ non conueniunt in aliquo genere: Ergo multo minus de Deo & creaturis aliquid vnuo-

ce prædicatur. Tertia. Ad hoc ut aliquod nomen prædiceretur de aliquibus vnuoce, necesse est, ut ratio per nomen significata in utrisque sit adæquate eadem; nec adeo in uno eorum intrinsece & essentialiter plus contineat, quam in altero; at vero hoc non accedit in Deo & creaturis: quia ratio sapientia v. g. prout nomine sapientia significata creatura tribuitur, est aliquid à ceteris omnibus perfectionibus hominis, quæ nomine sapientia formaliter non significantur, essentialiter distinctum; puta numerum ab hominis essentia, potentia, existentia, &c. Atvero eadem ratio sapientia, prout per nomen sapientie significata Deo tribuitur, non est ali quid obiectu & à parte rei quidditatibus distinctus ab essentia, potentia & existentia Dei, sed haec omnia quidditatis & essentialiter includit, ut superius suo loco dictum q. 2. quare etiam nomen hoc sapientia in Deo relinquitem significatam, ut incomprehensam & excedentem nominis significationem; cum tamen in creatura quasi circumscribat & adæquet rem significatam. Et eadem ratio est de alijs eiusmodi nominibus perfectionem aliquam in Deo & creaturis significantibus.

Ex qualimatione S. Thomæ colligitur, sermonem hic esse proprie de nominibus communibus Deo & creaturis positivis, ut in assertione diximus; nam negativa, ut Incorporeus, Immaterialis, secundum suum formale significatum spæcata, cum nihil nisi negationem eiusdem imperfectionis utrinque significant, nihil obstat de Deo & creaturis, ex parte rei formaliter significata, vnuoce prædicari. Neque argumenta Scoti in contrarium obiecta plus probant, quam quod Assertionē 4. dictū fuisse, cendens esse rationem formalem communissimam sapientia, prout de Deo & creaturis prædicatur, ut sigillatim videre est apud Caietanum & Gregorium de Valentia loco citato.

Affirmatio III. Eiusmodi nomina de Deo & creaturis praedicantur analogice. Ita cum S. Thoma ibidem communis. Probatur tum ex dictis. Quando enim idem nomen predicatur de pluribus, aut prædicatur pure æquiuoce, aut vnuoce, aut analogice: sed nomina hæc non prædicantur de Deo & creaturis pure æquiuoce; nec vnuoce, ut dictum: Ergo. Tum quia illa prædicantur analogice, quorum ratio per nomen significata, nec est omnino eadem ut in vnuocis, nec omnino diversa, ut in pure æquiuocis; sed aliquo modo eadem: id autem fit, in proposto, ubi est quidam ordo ac proportio causæ & causati; item excedentis & excessi; inter Deum & creaturas, secundum rationem per nomen significatam; qualis v. g. est in sano respectu medicina & animalis.

Affirmatio IV. Analogia, hæc est cuiusdam proportionis, atque eorum analogorum propria; quibus, esti conceptus obiectu, ad quos significando fuerunt imposita, à parte rei plane diversos, & plus quam genere differentes habeant, ut dictum, per abstractionem tamen intellectus respondet unius conceptus formalis, de quibus prout etiam scientia & vna definitio esse potest, quæque simpliciter, & propriè dicuntur de omnibus analogatis. Primam partem expresse tradit S. Thomas hic art. 5. ubi hæc analogia vocat secundam proportionem.

nem. Ratio est; quia non sunt analoga per solam attributionem ad aliquid tertium, in quo solo formaliter reperiatur ratio per nomen significata. ut accidit in sano respectu medicina & vrina: sed tam Deus, quam creatura formaliter habent rationem per nomen significatam; tametsi cum quadam subordinatione creaturæ ad Deum, veluti causam & principium: ob quam solam causam. S. Thomas comparat hæc Analogia cum solo respectu medicina & animalium, cum tamen hæc in eo differant, quod sanitas formaliter est in solo animali, in medicina vero solum causaliter.

6 Posteriorē partem recte tradunt Molina hic art. 5. Gregorius de Valencia cit. punc. 3. & fere Suarez hic libro primo capite nono, numero undecimo, & Disputatione Metaphysica vigesima octaua, idemque probant argumenta Scoti loco citato. Primo; quia potest intellectus esse certus de aliquibus, quod sit Ens, vel sapientis verbi gratia, & tamen ultra inquirere, num sit Dei vel creatura: Ergo signum hoc est eiusmodi nomina significare unum conceptum communem Deo & creaturæ. Secundo quia possumus a perfectionibus creaturarum abstrahere unum aliquem conceptum eiusmodi, qui nullam includat imperfectionem; ut sapientia V. G. & proinde illum vere attribueretur Deo, etiam absque conceptione particularis modi, quo conceptus ille Deo conuenit. Denique similis est ratio Entis, prout substantia & accidenti conuenit, ut ex veriori in Metaphysica traditur.

Assertio IV. Nomina, quæ metaphorice Deo tribuuntur, prius ac principalius conueniuntur creaturis, quam Deo: quia vero de utrisque proprie dicuntur, si res significata spectetur, prius & principalius dicuntur de Deo, quam de creaturis; si vero nominum impositionem spectemus, prius de creaturis, quam de Deo dicuntur. Ita S. Thomas hic quæstio. decima tertia articulo sexto ex communī. Et ratio prima pars est; quia nomina, quæ solum metaphorice Deo conueniuntur, de creaturis quidem propriè, de Deo autem non nisi impropre dicuntur; quocirca etiam per similitudinem & ordinem ad creaturas explicari debent. Ratio secunda pars est; quia ratio per nomen eiusmodi significata, principalius & longe excellentius est in Deo, quam in creaturis. Ratio tertiæ pars; tum quia creaturæ prius à nobis cognoscuntur, quam Deus; illis ergo prius à nobis hæc nomina sunt imposita, quam Deo. Tum quia nomina huiusmodi habent modum significandi in concreto, vel in abstracto; qui propriè creaturis conuenit, non Deo, ut dictum dub. 1.

## DUBIUM VI.

### An Deus possit aliquo nomine significari quidditatue.

S. Thomas q. 13. a. 1.

1 Sensus dubitationis est, an Deus aliquo nomine vocali, seu ex impositione significante, signi-

ficari possit quidditatue, & sicut est; seu quod idem, an possit aliquid nomen ingenerare conceptum Dei quidditatuum, non connotando rem aliā, nec representando Deum instar alterius, sed faciendo ut intelligatur clare & directe in seipso, sicut est, ac quasi per propriam, non alienam suam speciem, iuxta ea, quæ de quidditatua cognitione dicta sunt quæst. præced. art. 1. de qua res sunt quinque Doctorum sententiae.

Prima est eorum, qui nominis significationem, solummodo metiendam rati ex eius cognitione, qui nomen imponit, vel usurpat, dicunt à Deo quidem & Beatis nomine aliquo significari posse quidditatue Deum, non autem à Viatoribus. Ita Capreolus in 1. d. 22. art. 1. quæst. 1. Bassolis quæst. 1. art. 2. Ferrarensis 1. cont. gentes cap. 31. Caetanus hic quæst. 13. artic. 1. cum quibus ex parte consentiunt plures, qui absolute docent, non minus significationem pensandam esse ex cognitione, quam habet, qui nomen imponit; in quam sententiam Vasquez hic d. 57. cap. 1. refert plerosque veteres Scholasticos, speciatim Antisiodorensem, Alensem, Albertum, Bonaventuram, Richardum, Marsilium, Henricum, Durandum, Argentinam, & ipsum S. Thomam hic art. 1. & lib. 1. cont. gent. cap. 3. 1. sed qui a quæst. 1. sensum quartæ sententiae intelligi potest.

Secunda sententia est aliorum, qui ex sola audiēti cognitione, quam auditio nomine, de re significata concipiunt, nominis significationem, pensandam rati, assertunt, non solum à Deo & Beatis, sed etiam à Viatoribus, posse Deum quidditatue, & ut est, nominando significari, non quidem ipsi Viatoribus, sed Beatis. Ita Vasquez cit. Disp. 57. cap. 2. num. 9. qui pro eadem sententia citat etiam Scotum in 1. dist. 22. quæst. vn. & qui eundem sequuntur Ockam eadem d. q. vn. & Gabrielem q. vn. a. 3. Sed hi plus etiam sentiunt, ut mox dicemus.

Est igitur tertia sententia eorum, qui nominis significationem, seu vim significatiū metiendam, putant, nec ex loquentis, nec auditentis cognitione, quam de re significata habent; sed ex voluntate & intentione directe imponentiū nomen, ad ipsam in se substantiam rei significandam; esto nec ipsi loquentes nec audiētes alij intelligent quidditatem rei; quare absolute docent, nomen Tetragramaton, item *Dem*, & similia plura, distincte clare & quidditatue, quantum scilicet in se est, significare Deum, sive essentiam Dei, a quocunque, & ad quemcunque usurpetur; & addunt, ab ipso etiam homine viatore imponi eiusmodi nomina posse, ad Deum quidditatue significandum, tametsi eum quidditatue non cognofcat. Sic inquit, *nomen lapidis inter homines significat quidditatue essentiam lapidis*, esti eam in se quidditatue conceptu non cognoscamus; quod ingenue de me profiter, inquit Molina, hic a. 1. esti Gregorius de Valencia hic q. 13. p. 1. Suarez l. 2. c. 2. 1. & ipsemet S. Thomashic 1. q. 13. a. 8. ad 2. quod ad hoc exemplum attinet, contrarium profiteatur. Atq; ita hanc sententiam tradunt Scottus, Ockam Gabriel loc. cit. quos ferè etiam sequitur Molina loc. cit.

Quarta sententia est, significationē nominis expēdē, dā esse, ex modo cognoscēdi utriusq; tā audiētis, quā imponētis seu usurpatis nomen; ac proinde quid-

ditatiū